

菩薩地持經

籍


第七

二百三
維七

48795



山城州天安寺法金剛院置	佛日增輝 懋輪常轉	皇圖鞏固 帝階綴昌	元祿九年丙子二月日重脩
-------------	--------------	--------------	-------------



菩薩地持經卷第七

北涼天竺三藏法師曇無讖譯

維

次法方便處菩薩相品第一

菩薩成就五種真實相得入諸菩薩數一者
哀愍二者愛語三者勇猛四者惠施五者說
深法義此五法各五種分別一者自性二者
境界三者果福利四者次第五者攝受
哀愍自性有二種一者至心二者作行
者安心樂心作行者菩薩至心於諸衆生隨
其所能隨其力身口饒益愛語自性者先語
安慰如前攝品說勇猛自性者於諸衆生志
強有力而不怯弱惠施自性者勝妙施無煩



惱施說深法義自性者四無礙智出生正方便智

哀愍境界有五種一者受苦衆生二者惡行衆生三者放逸衆生四者邪趣衆生五者煩惱所使衆生從地獄乃至一切苦受相續是名受苦雖不受苦而受造作身口意惡行所謂十二惡律儀是名惡行雖不受苦而造諸惡行而樂著五欲歌儻戲笑是名放逸雖不受苦造諸惡行樂著五欲而依邪見求苦解脫是名邪趣捨離五欲於法出家不受諸苦乃至邪趣而具煩惱或有不具謂正方便真實凡夫及諸學人是名煩惱所使菩薩於此境

界哀愍心生無餘無上

愛語境界有五種一者正實語二者正喜語三者正饒益語四者正如法語五者方便法談語廣說如前攝品說菩薩於此境界愛語心生無餘無上

勇猛境界有五種如前菩提分品說菩薩於

此境界勇猛心生無餘無上

惠施境界有五種一者不分別施二者歡喜施三者至心施四者不染汙施五者無依施廣分別如前施品說菩薩於此境界惠施心生無餘無上

說深法義境界有五種一者於如來所說脩

多羅甚深空相應緣起隨順二者於諸戒律
善知犯不犯及與出犯三者於摩德勒伽藏
不顛倒建立法相四者於諸秘密深法
旨趣以想分別五者於一切法法義種種
言辭種種分別菩薩於此境界說深法
義心生無餘無上菩薩哀愍於諸衆生修
習慈心利益親厚方便不厭多住哀愍離
垢無罪現法樂住攝取衆生如世尊說慈心
福利身常不被刀杖等害此中應廣說是名
哀愍果

菩薩愛語於現法中離口四過兩舌惡口妄
言綺語以此愛語自攝攝他於未來世成就

正語言輒信用是名愛語果

菩薩勇猛於現法中離諸懈怠心常歡喜受持菩薩律儀戒不毀不犯以堪忍心攝受自他於未來世菩薩所作悉能脩學學已堅固是名勇猛果

菩薩惠施及說深法義果如前力品檀波羅蜜般若波羅蜜說是名惠施說深法義果

次第者菩薩先脩哀愍攝取衆生終不放捨以義饒益令諸衆生出不善法安立善法爲具足說教授攝受是故次說愛語度諸衆生衆生造惡種種煩惱堪能不息終不棄捨是故次說勇猛或有衆生以財攝受或有衆生以

法攝受或俱攝受是故次說惠施說深法義
菩薩有五種相攝六波羅蜜此六波羅蜜何
相所攝哀愍相攝禪波羅蜜愛語相攝尸
波羅蜜般若波羅蜜勇猛相攝毘提波羅
蜜毗梨耶波羅蜜般若波羅蜜惠施相攝
檀波羅蜜說深法義相攝禪波羅蜜般若
波羅蜜

菩薩地持經次法方便處翼品第二

在家出家菩薩翼有四法菩薩脩學疾得
阿耨多羅三藐三菩提一者善修業二者
巧便三者攝取衆生四者迴向云何善修業
菩薩於六波羅蜜決定修專心修常修無罪

修云何決定修檀波羅蜜是菩薩有財物見
來求者若饒益不饒益有德有過要當施與
於諸惠施無能傾動若人非人沙門婆羅門
世間同法所不能壞云何專心修是菩薩有
財物見來求者捨內外物一切施與無所悋
惜云何常修是菩薩施無厭倦一切時平等
隨得隨施云何無罪修如施品說離煩惱施
是名菩薩善修檀波羅蜜如施如是戒忍精
進禪定智慧亦如是隨其所應當知云何巧
便略說有十種壞法衆生爲除惱害方便巧
便中住者令入已入者令熟已熟者令解脫
方便巧便世論巧便菩薩戒律若持若毀觀

察巧便正願巧便聲聞乘巧便緣覺乘巧便
大乘巧便如是一切巧便如前說隨所應彼
彼菩薩地分別當知此十巧便為五種事初
四巧便為利眾生世論巧便為伏異論菩薩
戒律若持若毀觀察巧便為不起犯戒已犯
者令如法悔不淨戒者令其清淨正願巧便

菩薩於未來世一切所欲悉皆得之三乘巧便
菩薩隨種性根解譬喻隨順說法具足說法如
是十種巧便為五種事此五種事一切所作皆
悉具足為現法後世利益云何菩薩攝取眾
生是菩薩依四攝法布施愛語利益同事或
有眾生以安饒益以樂饒益以安樂饒益是

名略說菩薩饒益廣說如前自他利品云何
菩薩迴向菩薩三門修習善根謂善修業巧
便攝取衆生彼一切過去未來現在淳淨心
迴向阿耨多羅三藐三菩提不以善根求餘
果報

若世尊說在家出家菩薩所學法當知一切
皆是善修業巧便攝取迴向四法所攝是故
菩薩善修業巧便攝取集聚迴向當知難得近
菩提坐過去未來現在一切菩薩在家出家翼
學阿耨多羅三藐三菩提已學當學今學如
是四法無餘無上

如是四法在家出家菩薩成就然後出家於

在家者大有差別出家菩薩解脫攝受父母
妻子眷屬等過非在家也出家菩薩解脫攝
受田種治生王家等苦亦非在家出家菩薩
常修梵行一切菩提分法疾得神通若修善
法疾得究竟出家菩薩凡所說法人所信受
亦非在家是名在家出家之大差別

淨心胡
音云阿

賒夜漢
言悌望

菩薩地持經次法方便處淨心品第三

菩薩有七種愛念衆生若成就此愛念者名
真實心第一真實心一者無畏二者巧便三
者不厭四者不求五者不貪六者廣大七者
平等菩薩未曾恐畏故於諸衆生起愛念心

身口意業隨順行愛念安樂是名無畏菩薩
未曾無巧便而行愛念所謂非法非律非真
諦行教授非處是名巧便菩薩愛念為諸眾
生一切所作而不疲厭是名不厭菩薩無請
而愛念眾生是名無求菩薩以無貪心而行
愛念不求恩報及未來愛果是名無貪愛念
菩薩方便觀佛法僧若意解正向決定是名
極淨心又彼極淨心略說有十五種一者無
上心二者隨轉心三者波羅蜜心四者真實
平等愛念不限眾界是名平等愛念菩薩
成就如是七種愛念是名真實心第一真實

心
心胡音云何餘
夜漢言怖望

菩薩於諸衆生廣大愛念不限衆生於衆生
所得饒益不饒益悉不棄捨寧自苦身不苦
衆生是名廣大又彼相成就愛念衆生是名
義心五者神力心六者安心七者樂心八者
解脫心九者堅固心十者不虛僞心十一者
不淨心十二者淨心十三者快淨心十四者
調伏心十五者俱生心菩薩於佛法僧寶極
淨心是名無上心受菩薩戒於受持律儀極
淨心是名隨轉心於行施忍精進禪定智慧
極淨心是名波羅蜜心人法無我第一義真
實甚深極淨心是名真實義心於諸佛菩薩
不思議神通力俱生力極淨心是名神力心

於諸衆生欲以善法饒益是名安心於諸衆
生欲以攝取饒益是名樂心於諸衆生捨離
貪心及與受報是名解脫心於無上菩提起
一向心是名堅固心利衆生方便菩提方便
不顛倒智俱生解脫是名不虛僞心一切解
行地菩薩極淨心是名不淨心從淨心地乃

至決定行地菩薩極淨心是名淨心究竟地
菩薩極淨心是名快淨心彼不淨心是名調
伏心思量計數是名降伏心淨心快淨心極
淨心是名俱生心性自清淨於身安立故名
俱生心是名十五極淨心是名十五真實淨
心隨一切地略說作十事謂無上心一切種

供養三寶一切善提衆具無上真實隨轉心
受菩薩戒律儀乃至捨命終不故犯若有所
犯即能除滅波羅蜜心勤修善根住不放逸
真實義心以不染汙心爲衆生故久住生死
終不悵望涅槃解脫神力心顯示正教令起
淨信及得脩慧多住生死想非少聞思知足
安心樂心解脫心一切種種利益衆生而不
疲厭堅固心熾然精進廣大精進平等方便
不經方便不斷方便不虛僞心疾得神通生
彼彼善根不以少心下心勝劣善根而生足
想降伏心起俱生心俱生心疾得阿耨多羅
三藐三菩提利益安樂諸天世人降伏心攝

不淨心俱生心攝淨心快淨心
若世尊說菩薩淨心施設顯示一切皆是十
五淨心所攝是故過去未來現在菩薩得無
上菩提已得當得今得一切皆是十五淨心
無餘無上如是十五淨心有大果福利依是
得無上菩提

菩薩地持次法方便處住品第四

如是從種性起如所說菩薩學菩薩相現菩
薩翼方便成就菩薩極希望淨今當略說菩
薩十二住此菩薩住攝一切菩薩行第十三
是阿耨多羅三藐三菩提無上住云何菩薩
十二住一者種性住二者解行住三者歡喜

住四者增上戒住五者增上意住六者增上
慧住增上慧住三謂菩提分法相應住諦相
應住緣起生滅相應住若菩薩真實觀觀真
實若不觀真實則衆苦增若觀真實則衆苦
滅菩薩於三門行智慧為三增上慧住九者
有行有開發不斷道向無相住十者無行無
開發道向無相住十一者無礙住十二者最
上究竟住如是十二住攝一切菩薩住一切
菩薩行如來住者過一切菩薩住阿惟三佛
菩提住彼最後如來住建立品廣說

不斷道
向向胡

音云混
然流去

菩薩十二住隨其建立今當說云何種性住

謂菩薩種性住者菩薩功德菩薩所應善法
成就及行性賢善故率意方便諸善法生不
待思惟率然自得種性住爲一切佛法種子
持一切佛法種子悉在身中離麁煩惱種性
住菩薩終不復起煩惱上纏行五無間業及
斷善根種性義如前種性品廣說是名種性住
云何解行住謂菩薩從初發心不淨心及淨
心菩薩所行是名解行住種性住菩薩於餘
一切菩薩十一位及如來住爲因轉爲因攝
受於餘菩薩非方便亦非得亦非淨彼何況
如來住解行住菩薩於一切菩薩住及如來
住是方便而非得亦非清淨唯得解行住及

清淨向解行住淨已得歡喜住前方便及即
彼淨向歡喜住淨已得增上戒住前方便及
即彼淨向如是廣說乃至最上菩薩住當如
是知最上菩薩住淨已次第得如來住前方
便頓得及淨是爲菩薩住如來住差別

云何歡喜住菩薩極淨心住是名歡喜住云
何增上戒住菩薩因極淨心性戒具足住云
何增上意住菩薩因增上戒淨得世俗禪三
昧正受住云何菩提分法相應增上慧住菩
薩依世俗禪三摩提淨覺了真諦正念處等
三十七菩提分法觀察住云何諦相應增上
慧住菩薩因依菩提分觀察如實覺了真諦

往云何緣起生滅相應增上慧住菩薩以真諦覺爲增上已以智觀察有因苦有因苦滅智住云何有行有開發無相住菩薩以三種增上慧爲增上已有行有開發不斷無間一切法如離諸妄想脩慧俱住云何無行無開發無相住即此無相住多脩淳至不斷無間升進道隨順住云何無礙住菩薩即依彼快淨不動智慧三昧得智慧增廣爲人說法無上方便於法義辭分別觀住云何最上菩薩住菩薩住彼究竟菩薩道阿耨多羅三藐三菩提大法灌頂一生相續若最後身於此住次第得無上菩提作一切佛事住

解行住菩薩於菩薩脩少行斷行不決定修
行所得有退轉歡喜住乃至三種增上慧住
於菩薩脩廣行不斷行決定行所得不退轉
有行有開發無相住乃至最上菩薩住於菩
薩脩無量行不斷行決定行所得不退轉解
行住菩薩無相脩方便歡喜住乃至增上慧
住菩薩行無相修第一無相住外進第二無
相住菩薩無相修淨無礙住最上菩薩住菩
薩無相修果

解行住菩薩行解行時有何行何狀貌何相
解行住菩薩行解行時以思惟力菩薩所作
方便思惟慧修習不能性自真實堅固不動

不退不得菩薩不退轉脩如脩如是脩果種
種無礙神通解脫三昧正受悉皆不得亦未
離五恐懼所謂不活畏惡名畏死畏惡道畏
大衆畏思惟修習利益衆生不能性自哀愍
或時起邪身口意業有時貪著五欲境界有
時慳惜所有衆具由佛菩薩生於淨信不能
自起真實智慧所謂三寶功德真實義諸佛
菩薩神通力若因若果若得義若得方便若
境界少聞少思智慧成就不能無量或時失
念成就菩薩遲喜之道不能專心求大菩提
熾然精進深樂淨信或於三處妄失正念所
謂於可喜不可喜色聲香味觸法或時顛倒

受生彼身中間或受誦持法久作久說以此
因緣妄失正念或時點慧受持正法善解其
義或時不介或不善知隨宜調伏方便或復
不知自生佛法方便率意說法教授教誡以
率意故不如實知或時虛說不時不中如闇
中射或中不中或時退捨大菩提心或時起
菩提心而復退捨或時受菩薩戒而復還捨
或時能作利益衆生成就而復厭倦是故利
益方便退常樂自樂思惟然後欲樂衆生自
知缺減而不能斷令無有餘更數缺減或時
於菩薩法戲信受他語或時聞說深妙之法
而生恐怖動搖疑問或時於一切衆生遠離

大悲少能安樂利益衆生不能廣大不能如
上所說學菩薩所學不能滿足菩薩相菩薩
翼方便菩薩真淨去阿耨多羅三藐三菩提
遠不能淨心深樂涅槃捨離生死不動善根
菩提分法悉不成就如是等行相名解行住
菩薩行相解行住菩薩行下忍時如上所說
行相增行中忍時中行上忍時下如是行上
忍時斷此行相次第入歡喜住方便得歡喜
住彼一切法悉無復有住解行住所說相違
一切不染汙分法成就名淨心住解行住菩
薩有轉中上方便展轉淨解脫非無罪清淨
何以故彼解脫有種種上煩惱生故歡喜菩

薩解脫上煩惱斷離煩惱清淨解脫生云何
歡喜住菩薩行相是菩薩於解行住當入歡
喜住是菩薩先善入無上菩提願善入菩提
方便修習決定若復緣他而進捨不決定未
習得六種善決定緣自力修慧菩薩願生一
者超餘一切淨願無等不共二者亦是世間
亦出世間一切境界三者隨度諸衆生苦不
共一切聲聞緣覺四者發一念願法性自然
無量淨果不動轉五者不變異無盡願終無
能令退轉變異六者勝進分究竟大菩提願
是名菩薩決定願又彼菩薩發心當知四種
初何等衆生發心緣何發心發心有何相發

心有何福利此四種發心當知彼解行住菩薩一切種善修習善根略說正菩提行出生而發心是名略說衆生發心於未來世等速疾菩提衆具滿足一切菩薩所作滿足無上菩提一切佛法滿足所作佛事滿足是名略說緣發心正速疾一切種一切菩提衆具隨順菩薩於衆生一切種菩薩所作隨順無上菩提得自覺知隨順一切佛事隨順而發心彼發心過一切億衆菩薩及凡夫地入菩薩超昇離生生如來家爲如來子決定向無上菩提決定紹如來種得如來不壞淨常多歡喜心不多瞋暴一切種菩薩所作一切種菩

提具佛法佛事神力皆悉滿足淨心攀緣意
解增進自見得法生歡喜心遵習善根到于
出離遠離貪著無比無等攝養身心歡喜熾
然善法成就近無上菩提我於大菩提希望
清淨我已遠離一切恐懼作如是念生歡喜
心謂彼菩薩決定心生離五恐懼善根無我
智我想不生云何當有我愛眾具愛是故離
不活畏不於他人有所求欲常欲饒益一切
眾 生是故離惡名畏離於我見我想不生是
故離死畏此身命終於未來世必與諸佛菩
薩共會是故離惡道畏觀於世間無與等者
况復過上是故離大眾畏如是離五恐懼已

亦得遠離聞深法畏憍慢貢高他不饒益志
恨貪喜皆悉遠離不染汙故無垢熾然精進
故無凡惓望於現法中一切種菩薩精進方
便修習上信前行於未來事生十大願十大
願如前菩提分品說於此歡喜住生一者以
清淨心常願供養一切諸佛二者受持守護
諸佛正法三者勸請諸佛轉未曾有法四者
順行菩薩正行五者爲成熟衆生器六者遊
諸佛刹見諸如來親近聞法七者自淨佛土
八者一切菩薩同一方便以大乘化九者利
益衆生一切不空十者一切世界得阿耨多
羅三藐三菩提作一切佛事如是大願及餘

求親衆生界無有斷絕此諸大願生生常行
終不妄失如是建立前願在前後願在後是
名爲願菩薩如是大願作門已能生無量百
千諸願如是未來諸願現法方便精進十住
淨脩法歡喜住淨脩生一者一切佛法不壞
信緣起方便二者觀純苦衆生是悲心三者

我當度衆生苦陰是慈心四者欲度一切苦
不顧自身不顧自身已捨內外物而行布施
五者爲度衆生故勤求世間出世間法心不
厭倦六者心不厭倦故知一切論七者知一切
論故知軟中上衆生隨其所應八者隨所應
已知時知量生慙愧心九者如是方便得勇

健力十者得世財利供養如來如是十法淨
歡喜住所謂信悲慈施不厭知論隨衆生慙
愧勇健供養如來菩薩脩此十法於餘九住
增上戒住等觀察一切種道功德過惡求佛
菩薩所有神通樂不壞道善攝行得依相過
一切住得大菩提爲大導師度生死曠野教
令入行入行已得得已果福利成名爲依住
此住者有二因緣見無量佛聞菩薩藏說則
能解知十方無量世界名種種佛名麁淨信
必俱見乃至得真實見是名一因緣復作是
願彼佛出世我當生彼隨願往生如是麁淨
信見及願力故見諸如來一切種供養樂具

饒益隨其所能隨其力供養法僧於如來所
聽受正法聞已受持起法次法向以四攝事
成熟衆生以一切善根迴向菩提以三種清
淨故彼諸善根轉復清淨謂如來法僧供養
攝受以四攝事成熟衆生一切善根迴向菩
提無量億百千劫淨於身心譬如真金如是
如是著於火中工師練治轉增明淨菩薩善
根轉增清淨亦復如是若更受生為轉輪王
王閻浮提隨意自在遠離慳貪亦化衆生離
於慳垢以四攝事攝取衆生普令衆生依第
一義若欲精進捨家財物於佛正法出家學
道於一念頃能入百三昧能以天眼見百佛

世界神通智力能動百世界身亦能過光明
普遍能示他人能化一身爲百成熟衆生能
住壽百劫能知過去百劫事能知陰界入各
百法門化百菩薩以爲眷屬若以願力神力
所作則有無量億百千劫不可數知是名略
說歡喜住所謂決定四種發心正願方便精
進出生修淨住法彼彼住淨修見佛善根受
生神力廣說如修多羅十地歡喜地說修多
羅說十地即此菩薩藏摩德勒伽說十住攝
受衆生故說他自受行住故說住
去何增上戒住菩薩行相是菩薩於歡喜住
得十種淨心一者一切種供養尊重福田先

語問評心二者同法菩薩親近樂住心三者
勝一切煩惱煩惱魔業自在心四者見一切
行過惡心五者見涅槃福利心六者常修善
提分法善根心七者隨順修善提空閑靜處
心八者不念世間貪愛貢高利養心九者離
下劣乘專向大乘心十者一切種利益衆生
心如是十種正心生名得淨心如淨心增
上滿足次第入增上戒住入增上戒住已性
戒具足輒邪業迹所攝惡戒一切不行況復
中上十業迹滿足性戒成就如是自性戒慧
染汙不染汙業迹善趣惡趣道業行因處果
處如實知報果依果及彼業如實知自斷十

惡行十善業復以此法教授衆生毒業過患
惡衆生界等無差別善業惡業第一義苦種
種衆難得廣大哀愍於此增上戒住見佛善
根清淨如前說譬如真金得迦私藥著於火
中轉增明淨菩薩善根清淨亦復如是於此
住入清淨心希望成就受生作轉輪王至四
天下以自在力令諸衆生離諸惡戒行善業
迹神力十倍勝前是名略說增上戒住所謂
淨心性戒具足離一切種惡戒垢一切業迹
一切因果如實知分別四種業教授衆生得
廣大哀愍觀衆生界業生苦種種衆難見佛
善根清淨受生神力廣說如修多羅十地離

垢地說離惡戒垢故名離垢彼離垢地即此
增上戒住

云何增上意住菩薩行相是諸菩薩先於增
上戒住得十種淨惔望思惟具足已復有十
種心惔望思惟增上滿足已過增上戒住入
增上意住一者思惟我已淨十種心惔望上
者思惟我於此十種淨惔望終不復退三者
思惟我於一切漏有漏法心終不著厭離心
住四者思惟我於彼對治脩識住五者思惟
我於彼對治法終不退轉六者思惟我於堅
固對治終不為一切魔所勝七者思惟我於
諸佛法終不生懈倦八者思惟我於諸苦行

終不畏難九者思惟我一向信解大乘不樂
小乘十者思惟我常樂一切衆生一切種利
益是爲入十種心希望增上意住菩薩於一
切行以患厭行種種對治觀佛智慧功德福
利種種福利行而生愛樂淳厚心欲觀衆生
果苦種種苦行願念衆生心依於義於一切
有爲行不爲放逸於大菩提熾然精進於諸
衆生廣生大悲心去何今此衆生究竟脫苦
即時觀察知住無礙解脫智者乃可得此是
無礙智不離通達法界如實智慧是如實智
慧不離禪定解脫三昧正受是諸禪定不離
多聞決定智慧復作是念無礙解脫一切佛

法以何爲本不離聞爲本作是念已轉加精
進求法無厭爲聞正法故不惜身命無內外
物而不布施無有尊重而不求法以愛念心
聞一四句偈勝於愛念三千大千世界大珍
寶聚若聞一偈如來所說正向佛道淨修菩
薩行勝得一切轉輪聖王護世帝釋魔梵諸
王若有人言我有此法如來所說正向佛道
淨修菩薩行若能投大火坑受大苦者當爲
汝說菩薩聞已歡喜樂受作是念若聞正法
正向佛道淨修菩薩行正使三千大千世界
大火熾然乃至梵天尚入其中況復小火經
地獄苦尚求佛法況復小苦如是精進方便

思惟求法如法次法向隨順佛法不以文字
音聲清淨作是念已依於聞法正緣法相離
欲惡不善法得世俗四禪四無色四無量五
神通捨諸禪三昧正受以願力故觀察欲界
彼衆生能滿菩提分法者而生彼處離欲故
欲縛斷捨諸禪正受故有縛如是解行住先
如是法如解見所起縛斷邪貪恚癡畢竟不
行見佛善根清淨如前說譬如真金數被練
治盡諸垢穢稱量不減離垢明淨菩薩善根
轉增清淨亦復如是若更受生得帝釋身以
離欲善法調伏衆生神力如前任千倍是中
諸任百千万倍是名略說增上意住所謂心

思惟成就入一切行衆生界大菩提正分別
真實苦解脫方便正求大恭敬求法法次法
向巧便出生諸禪三昧正受神通捨於諸禪
以願力故隨所欲生見佛善根清淨受生神
力廣說如脩多羅十地明地說聞行法行法
明照三昧明照修習是故此地故名明地內

心清淨故名增上意住彼明地即此增上意
住云何菩薩菩提分法相應增上慧住行相
是菩薩先於增上意住得入十種法明求多
聞爲增上滿足已過增上意住入初增上慧
住彼入十種法明如脩多羅說謂所可建立
建立建立處第一義等若煩惱若清淨淨煩

惱繫惱無上清淨淨是名略說法明義任此
任者不懷惓望爲首如脩多羅說十智成熟
法成就生如來家逮得自法一切種觀爲增
上已脩念處等三十七菩提分法如脩多羅
說脩集彼法故離身見等隨界入微細愛著
畢竟不行如來不稱歎業一切不行所稱歎
者一切隨順如如真實心轉柔軟脩種種行
其心快淨知恩報恩等隨順功德種種淨法
皆悉成就求淨上地業得大精進因彼精進
淨心深心信解滿足因彼正法外道魔怨不
能傾動見佛善根清淨如前說譬如真金爲
莊嚴具餘金不及菩薩善根亦復如是勝餘

下地菩薩功德如育多摩尼光明清淨餘珠
不及一切風雨所不能滅如是菩薩下地菩
薩聲聞緣覺智慧光明所不能及魔怨煩惱
皆不能壞若更受生作炎摩天王以諸善法
教化衆生破身見等神通力勝於前住百千萬
倍此住億倍是名略說菩提分法增上慧住
所謂入法明智成熟脩菩提分法身見等一
切著斷制業聽業若離若脩因彼心轉柔和
隨順功德皆悉成就求淨上地業得大精進
因彼精進淨心深心信解清淨因彼正法魔
怨不動見佛善根清淨受生神力此則略說
廣說如脩多羅十地炎地說彼地菩提分法

彼地智炎種平等說法以智慧光照明世間
是故彼地名為炎彼炎地即此菩提分法相
應增上慧住

淨心胡音
云阿賒夜

云何菩薩諦相應第二增上慧住行相是菩
薩先於初增上慧住得十平等淨心增上滿
足已入第二增上慧住十平等心如脩多羅
說謂無等覺覺無等超餘一切衆生界法如
等是名略說心平等義住此住者更求智慧
勝進智慧時於四聖諦有十種如實知如脩
多羅說若教他若自知若俱知若說脩多羅
毗尼摩德勒伽方便若說現在苦因生未來
苦因滅彼滅不起彼滅方便勝進是名略說

十種四聖諦當知如是真諦善以智慧壞一
切有爲行於衆生界大悲增長前際後際愚
惑四諦起於邪趣菩薩正知解脫彼故攝功
德智慧衆具具足攝持彼惓望度起正念正
智精進爲首等種種真實功德增長無餘思
惟成熟方便成熟衆生攝衆生故修習一切
世俗書論如脩多羅說如是工巧業一切出
生悲念衆生漸次誘進安立菩提隨順世俗
必定善方便破諸貧窮四大錯亂非人所惱
令得休息無罪戲樂衆具饒益因此饒益引
令樂法以住正衆具而爲饒益王賊所惱度
令安隱處非處方便若聽若制吉非吉物應

施不施令得所宜現法展轉無有違諍乃至
後世亦無怨結諸顛倒者爲說正道是名攝
受衆生世俗工巧及平等義見佛善根清淨
如前說譬如成練真金瑩以碑礫光明清淨
勝於餘金如是菩薩智慧方便勝餘菩薩聲
聞緣覺譬如日月宮殿一切風輪不能令失

如是菩薩智慧方便不爲一切世法所勝若
更受生爲兜術天玉以諸善法破壞一切外
道邪法神通力勝於前任百億倍是名略說
諦相應增上慧住所謂淨心平等成就入諦
觀增長破壞諸行於諸衆生大悲增長功德
智慧衆具成熟正願方便正念正智正說等

功德增長無餘思惟一切種成熟方便成熟
衆生世俗工巧出生善根清淨受生神力廣
說如脩多羅十地難勝地說於真諦決定智
慧難勝是故彼地名爲難勝彼難勝地即此
義名爲諦相應增上慧住

云何菩薩緣起相應增上慧住行相是菩薩
先於諦相應增上慧住得十平等法如脩多
羅說彼增上滿足已入於此住一切法第一
義自性無相平等無言說行照曜無相平等
即彼無相故自無生平等因不起平等自因
不起故畢竟寂滅平等離攝受虛偽平等無
取無捨離行平等妄想亦炎自性如幻如化

平等離妄想智境界自性有無無二平等是
名略說十平等分別義任此任者於諸衆生
大悲增長於大菩提慇懃欲樂知諸世間若
生若滅一切種緣起正觀了知因緣起智入
三解脫門知空無相無願依彼故離我我所
若有若無想如是第一義善思惟衆生煩惱
結縛因緣和合有爲性劣離我我所生諸過
惡非離煩惱因緣和合我當斷彼煩惱因緣
和合自護故不滅一切有爲護衆生故如是
智悲隨行於此任名向無礙智般若波羅蜜
任現在前一切世間所不能染如是任者若
利第七地方便行究竟菩薩忍彼隨順忍所

攝是向無礙智般若波羅蜜修集具足取善
提因緣不住世俗有爲示現寂滅而不住寂
滅如是方便智慧隨順入空三昧門向百萬
三昧門如空三昧無相無願三昧門亦如是
如是向諸三昧已名爲不壞心一切種佛法
轉增殊勝外道魔怨所不能壞餘如前說譬
如真金以瑠璃莊嚴勝於餘金如是菩薩善
根清淨勝於一切譬如月光除衆生惱四方
風輪不能障蔽菩薩智慧光明亦復如是爲
諸衆生息煩惱火一切魔怨不能斷絕若更
受生爲善化自在天王常以諸善法滅除衆
生一切憍慢神力勝前億千倍是名略說緣

起相應增上慧任所謂平等法成就入覺諸
緣起生解脫門離諸邪想方便攝受任向無
礙智般若波羅蜜得向無量三昧得不壞心
佛法殊勝善根清淨受生神力廣說如脩多
羅十地現前地說無礙智向是故彼地名爲
現前即此義名爲緣起相應增上慧任

云何菩薩有行有開發無相任行相是菩薩
於緣起相應增上慧任次第十方便慧生一
切衆生不共世俗及得一切世間不共道方
便昇進增上滿足已入第七任彼諸方便慧
如脩多羅說謂出生世間善法攝受功德故
於諸衆生安心樂心福德衆具菩提分法漸

次增進故不共聲聞故不共緣覺故知衆生
法界故知世界故知如來身口意故如是等
方便慧生道次第方便昇進義故略說當知
如是具足無量無數如來境界各別智彼起
無開發無相想無想觀無量佛境界起處不
斷無開轉修習一切威儀行住思惟於彼一

切處終不離道於念念中具足十波羅蜜及
一切菩提分法非如餘住第一歡喜住修習
正願第二住離惡戒垢第三住願轉增長得
法光明第四住入道第五住入世間所作第
六住入甚深法門此第七住起一切佛法滿
足菩提分菩薩方便行滿足攝受於此住智

慧神通行清淨入第八任任第八任者一向
清淨此第七任雜清淨任前行故得不染汗
名不染汗行此第七任一切貪等煩惱斷故
不名有煩惱不名離煩惱不行亦樂佛法如
實心清淨故不名離煩惱此第七任成就無
量清淨身口意業如佛所歎業如前說五任
所得世間工業智自然滿足爲三千大千世
界大師唯除上地菩薩及如來餘無及者一
切禪定菩提分法皆現前脩而不受報菩薩
於此任思惟方便入善擇三昧門生百万三
昧超過一切聲聞緣覺三昧境界遠離煩惱
諸妄想行隨順甚深身口意業不捨方便勝

進之道顧念衆生滿足菩提離一切相無量
身口意業生淨脩無生法忍於此住超過自
覺境界餘六住佛法攀緣第六住菩薩能入
寂滅今住此地念念寂滅得未曾有身口意
業不思議雖行實際而不證實際如是方便
智生爲增上已行共一切衆生行照明世間
餘如脩多羅說取要言之爲功德事親屬想
攝受方便勝進住三解脫求下乘者方便調
伏受五欲者令求勝欲轉諸邪見隨順他必
於諸大會皆悉隨順餘如前說譬如成練真
金以摩尼珠寶在巖勝閻浮檀金菩薩善根
清淨勝於一切聲聞緣覺及餘離垢菩薩譬

如日光照闇浮提一切泥水皆悉乾消勝於
餘光是菩薩智慧光明能令衆生煩惱乾消
勝於一切聲聞緣覺及餘菩薩智慧光明若
更受生作他化自在天王以智慧饒益聲聞
緣覺一切神力勝前億百千倍是名略說有
行有開發無相住所謂方便慧生道方便勝
進入知如來境界所起處無間方便於念中
念集菩提分染汗不染汗處方便行滿足攝
受淨心業生故一切世間工巧業滿足得無
量三昧不共一切聲聞緣覺念念寂滅行於
一切共世間行善根清淨受生神力廣說如
脩多羅十地遠行地說方便行滿足是故被

地名爲遠行即此義名爲有行有開發無相
住云何菩薩無行無開發無相住行相是菩
薩於初無相住次第得十種入一切法第一
義智如脩多羅說謂二世如所應本來不起不
生無相故無餘因性故第一義離言說自性
事言說行顯示自性相因性無有彼如是不
生故於彼無知邪計著因於彼無所有事離
言說初中後一切時煩惱等入正離妄想平
等斷彼煩惱故十種智增上滿足滿足已入
第八清淨住於彼不起法得快淨第一無生
法忍彼云何謂四種求求一切法四種如實
知知一切法以求知故離一切妄想計著一

切法現法中一切煩惱無生隨順觀來世一切無餘無生觀如等前妄想計著因起法四種求四種如實知如前真實品說從解行住起乃至有行有開發無相住未得快淨於此住乃得快淨是故名第一無生法忍得無生法忍已得甚深法離初無相住四種過患一

者有行有開發二者上地勤求三者一切種利益衆生堪能勤求四者微細想行是故此任名為快淨於甚深法門法流水中如來勸發出生無量門智慧神通諸業饒益以勸發故出生無量尊身變化智慧得十自在如脩多羅說得自在故欲久近住隨意即能諸禪

解脫隨意所欲資生衆具世工巧業悉得隨
意一切生處一切受生隨意往生一切神力
一切誓願隨意能得變一切物成於金寶隨
意能成欲知法界名身句身味身於一切法
建立巧便即能知之如是自在力果報福利
如脩多羅說於念念中常等見佛善根清淨
受生神力金光明喻如脩多羅說是名略說
無行無開發無相任所謂入第一義智成就
入得不起法忍過患悉離得快淨任甚深法
門諸佛勸發出生無量智慧神通諸業饒益
無量尊身出生智慧出生得大勢力得大自
在力福利果報善根清淨受生神力廣說如

脩多羅十地不動地說離有行有開發乘不
動勝進道是故彼地名爲不動即此地名爲
無行無開發無相住

云何菩薩無礙住行相是菩薩於此甚深住
不以爲足勤脩隨順上地勝進知法之行一
切種爲人廣說隨所應說悉如實知所可說
法煩惱清淨誰惱誰淨悉如實知如是善說
法名大法師得無量陀羅尼善諸音聲辯才
無盡法陀羅尼如所持法攝受成就以菩薩
無礙智出生言說坐於法座如應說法隨其
法示喜成如脩多羅說善根清淨受生神力
勝進如脩多羅說是名略說菩薩無礙住所

讚樂深解脫說法行智不思議大法師善根
清淨受生神力廣說如脩多羅十地善慧地
說安樂一切衆生淨脩菩薩無礙廣說大法
是故彼地名爲善慧即此義名爲無礙住
云何最上菩薩住行相是菩薩於無礙住淨
脩一切種淨法王所應灌頂正受得離垢等
無量三昧作所應作已一切智殊勝灌頂最
後三昧現前得一切佛同坐身蓮華眷屬光
明所照得一切種一切智灌頂已受調伏解
脫方便知一切佛事得無量解脫惣持神通
彼增上故大念智慧生辯才建立大神通出
蓮善根清淨受生神力勝進是名略說最上

菩薩住廣說如脩多羅十地法雲地說法雲地菩薩滿足菩薩道滿足菩提衆具得菩薩勝慧興大法雲以正覺自覺而諸衆生煩惱垢穢悉令休息種種善根增長成熟是故彼地名爲法雲即此義名爲最上菩薩住

如上說展轉上功德前地所無以軟根者不在數諸中上者上地所得具足建立彼一一往經億百千大劫或復無量然後具足彼一切住經三阿僧祇大劫然後得初阿僧祇大劫解行住過得歡喜住五行勝進第二阿僧祇大劫從歡喜住乃至有開發無相住過得無開發無相住彼即此決定謂淨心菩薩決定勝

進第三阿僧祇大劫無開發無相住及無礙
智住過得最上菩薩住

有二阿僧祇劫若大劫晝夜月分數成時無
量故名阿僧祇若彼諸大劫數成一劫數過
數名阿僧祇前阿僧祇劫菩提非少劫阿僧
祇得後三阿僧祇大劫不增若彼上上精進

方便能成超衆多中劫或復超大劫無超阿
僧祇者

如是十二住菩薩三阿僧祇煩惱障分染汙
及智障分染汙斷彼三住煩惱障分染汙斷
歡喜住惡趣煩惱分增上中煩惱分一切不
行無開發無相住無生法忍清淨相續煩惱

分一切染汗斷不行一切煩惱最上甚
一切煩惱習使障斷入如來住智障分深汗
有三種一者皮二者膚三者骨歡喜住以障
斷無開發無相住膚障斷如來住骨障斷一
切障清淨於此三住智障斷餘住隨其次第
真實眾具

如是十三住有十一種淨第一種性淨第二
解行淨第三淨心淨第四戒淨第五意淨第
六第七第八正智方便淨第九方便行滿足
淨第十真實智神通出生淨第十一說正義
無礙淨第十二隨順入一切種一切所知智
淨第十三如來住習氣一切煩惱智障淨

前菩薩功德品說八法攝一切摩訶衍菩薩
藏所說此十三住攝初第二住信心生解於菩
薩藏得聞慧思慧第三住淨心及初脩慧行
第四住乃至第九有行有開發無相住脩慧
廣第十第十一第十二住淨修慧行所攝脩慧
果成如來住畢竟出離聲聞住所有法此等十
二菩薩住次第當知一者如聲聞自種性住
此亦當知如超昇離生方便住第二住亦如
是如超昇離生信第三住亦如是如得不壞
淨聖愛增上戒住上漏盡第四住亦如是如
依增上戒增上意學出生住第五住亦如是
如得真諦智增上慧學住第六第七第八住

亦如是如善觀察住無相三昧方便第九住
亦如是如究竟無相住第十住亦如是如禪
定起解脫覺住第十一住亦如是如一切種
阿羅漢住第十二住亦如是

起起解脫入住者
謂從定覺也

五解脫入
如雜心說

菩薩地持經卷第七

泥米忍瑩烏定

維

